

delectari, non quidem per se, sed prout est causa boni effectus; quia tunc causa non attenditur nisi indirecte, neque fuit peccaminosa. — Attamen in hoc casu alii tenent oppositum et verius; quia actio illa, etsi non fuerit peccaminosa, fuit tamen objective mala: et eam nunc approbando voluntas malum formaliter facit. Sane quilibet affectus deliberate tendens, directe et immediate in objectum per se malum, totus imbuitur fœditate objecti. Hinc Innocentius XI damnavit hanc (sub n. 15) propositionem: *Licetum est filio gaudere de parricidio parentis a se in ebrietate perpetrato, propter ingentes divitias inde ex hæreditate consecutas*<sup>1</sup>.

Quid (dices) de illo, qui non gaudet quidem de ipso opere malo, sed duntaxat de effectu bono ab illo opere secuto? — Per se loquendo licet delectari de effectu bono secuto ab opere malo; nam tunc delectatio non fertur in objectum malum: sic licita est delectatio de consecutione hæreditatis, quæ ob mortem patris venit, qui injuste fuerit occisus. Hoc sensu Ecclesia gaudet de Redemptione per Christum Dominum secuta ex Adami peccato exclamans: *O felix culpa, quæ talem meruit habere Redemptorem*<sup>2</sup>!

747. An (quæres) liceat sine peccato delectari de re, quæ actu est mala utpote prohibita; sed tractu temporis erit bona evasura, cessante nempe prohibitione? Negative; nam delectatio reddit objectum sibi præsens, et ideo mala est, cum actu desit conditio illud cohonestans. Sic nefas erit sponso, nondum celebrato matrimonio, delectari de ejusdem usu; nam matrimonium est tantum in spe, delectatio esset in re<sup>3</sup>.

<sup>1</sup> Pariter non licet delectari de nocturna pollutione, quæ venerit ex tactu vel ex turpi somnio; quia tunc ipsa fuisset objective mala. Secus, si ea venerit ex natura se naturaliter exonerante; nam quod a natura est, malum non est (Angelicus, in 4, d. 9). Item neque licet delectari de Missa festo die ex oblivione relicta, neque de carniū comestione die jejunii ex inadvertentia; quia res sunt, supposito præcepto, ex objecto malæ. Roncaglia, Sanchez, etc. V. Liguori, *Op. Mor.*, l. V, n. 20 et 27.

<sup>2</sup> Item licet per se loquendo delectari de effectu pollutionis, quamvis voluntariæ, nempe de exoneratione naturæ; quia exoneratio naturæ bona est. *Salubrius tamen est cogitationem circa hanc rem divertere*, uti rectissime monet Gerson; ob periculum nempe delectationis venereæ, quæ consurgere potest.

<sup>3</sup> Aliud est, ait Roncaglia, si sponsus desiderat simpliciter copulam fu-

COROLLARIUM. — *De peccati actualis effectibus.*

748. Q. 1. *Quinam sunt effectus peccati mortalis?*

R. Præcipui effectus peccati mortalis sunt:

1. Gravis offensa Dei, quem vehementer irritat; peccator enim Dei voluntati contumaciter reluctans contra Omnipotentem roboratur, si non verbis, facto dicens: *Non serviam*<sup>1</sup>. Hinc docet Angelicus, peccatum habere *quamdam infinitatem malitiæ ex infinitate divinæ Majestatis*<sup>2</sup>.

2. Jactura gratiæ sanctificantis: gratia nobis tribuit, ut filii Dei nominemur et simus<sup>3</sup>: hoc porro per mortale expoliamur nam per illud effimur inimici Dei et filii diaboli. Hinc Tridentinum: *Asserendum est non modo infidelitate, per quam et ipsa fides amittitur, sed etiam quocumque alio mortali peccato, quamvis non amittatur fides, acceptam justificationis gratiam amitti*<sup>4</sup>.

3. Fœdissima animæ macula. Hanc per peccatum induci de fide est contra Lutheranos et Calvinianos, qui per solam imputabilitatem homines peccatores faciunt. Id constat ex Scriptura, ubi de Jerusalem peccatrice dicitur: *Maculata es in iniquitate tua*; iterum: *Si abluerit Dominus sordes filiarum Sion*<sup>5</sup>. Et Tridentinum ait, hominem fieri *inquinatum per inobedientiæ peccatum*<sup>6</sup>. Unde patet aliquid relinqui in anima peccatoris ad modum vulneris, quod licet uno ictu transeat, relinquit tamen in corpore deformitatem.

turam cum sponsa, quando sibi erit uxor; quia tunc optat rem ad tempus, quo revera illa sibi licita erit. Sed hoc non obstante ego subjungo, quod per hujusmodi desideria, cum quis moratur in iis cogitationibus, magnum subest periculum delectationis præsentis; ideoque debet Confessarius omnino prohibere, ne sponsi in hujusmodi desideriis morentur. » Liguori, *Homo Apost.*, tract. III, n. 51. Curandum ut quam citissime, sponsalibus initis, a sponsis matrimonium celebretur, ne sponsi in illa facili peccandi occasione relinquantur.

<sup>1</sup> Jer. II. — <sup>2</sup> P. 3, q. 2, a. 2. — <sup>3</sup> I Joann. III.

<sup>4</sup> Sess. VI, cap. XV. — V. Baudrand, *L'Âme élevée à Dieu*, t. I, leç., 8 et 18. ubi et gravissima peccati vulnera, et excellentes divinæ gratiæ dotes vivide expressit.

<sup>5</sup> Jer. II, Isai. IV.

<sup>6</sup> Sess. V, can. II. In veniali tamen peccato hæc macula non intervenit;

4. Amissio meritorum omnium, quæ in statu gratiæ anima jam sibi comparaverat: mortale hæc omnia prædatur; legitur enim de peccatore: *Omnes justitiæ ejus, quas fecerat, non recordabuntur*<sup>1</sup>. Itemque inhabilitas, perdurante statu peccati, ad nova merita acquirenda in ordine ad vitam æternam; quia, ut ait D. Augustinus, *ubi deest charitas, nihil est quod prosit ad gloriam*<sup>2</sup>.

5. Angor spiritus et cordis perturbatio; sic enim habet Job: *Cor impij quasi mare fervens, quod quiescere non potest. Contritio et infelicitas in viis eorum, inquit Realis Psaltes, et viam pacis non cognoverunt*<sup>3</sup>. Et D. Augustinus: *Fecisti nos, Domine, ad te, et inquietum est cor nostrum, donec requiescat in te*<sup>4</sup>.

6. Pœnæ reatus: quo nomine non aliud intelligitur quam obligatio subeundæ pœnæ proprio peccato debitæ; æquum est enim, ut qui ordinem violavit, ab ordinis Auctore puniatur. Hæc pœna solvenda pro peccatis duplex est: una quæ solvitur in præsentī vita, uti sunt diversa morborum genera, ærumnæ, afflictiones, etc.<sup>5</sup>. Alia vero persolvenda in vita futura, vel temporanea in purgatorio, si peccatum fuerit quidem deletum quoad culpam, sed non totaliter quoad pœnam; vel æterna in inferno, si peccatum non fuerit deletum quoad culpam.

Peccatum mortale inducere reatum pœnæ æternæ, de fide est contra Origenistas et Socinianos, quibus adhærent increduli, et nonnulli ex protestantibus. Sane Christus sic reprobos alloquitur: *Discedite a me maledicti, in ignem æternum, qui paratus est diabolo et Angelis ejus*<sup>6</sup>. Quare Augustinus:

sed tantum privatio fervoris charitatis, ut ait idem Angelicus, in 4, d. 16, q. 2, a. 2. Differt macula a reatu pœnæ quæ maculam jam supponit; differt ab inclinatione ad malum, quæ remanet adhuc, sublata macula. Juxta Angelicum (1, 2, q. 86, a. 1) consistit in privatione illius nitoris, qui exurgit ex debita conformitate facultatum animæ ad legem atque ad Deum.

<sup>1</sup> Ezech. xviii. — <sup>2</sup> De Verb. Domini.

<sup>3</sup> Job. lvii; Ps. xiii. — <sup>4</sup> Liber Confessionum.

<sup>5</sup> Deum frequenter etiam in hac vita punire peccata passim constat: uti ex diluvio, ex Sodomæ incensione, ex historia Davidis. Hinc illud Prov. xiv: *Miseros facit populos peccatum.* — V. etiam c. x.

<sup>6</sup> Matth. xxv.

*Quia vita Sanctorum sine fine erit, supplicium quoque æternum finem procul dubio non habebit*<sup>1</sup>. Et Gregorius M.: *Quia pius est (Deus), miserorum cruciatu non pascitur; quia autem justus est, ab iniquorum ultione in perpetuum non sedatur*<sup>2</sup>. Id definitum est contra Origenistas in Constantinopolitano II (M). — Hinc versus:

*Irritat, expoliat, sedat, prædatur et angit,  
Pœnæque æternæ gravis affert noxa reatum.*

749. An (quæres) unum peccatum possit esse pœna alterius? Per se unum peccatum non est pœna alterius; cum peccatum a libera hominis voluntate proficiscatur. Poterit esse per accidens, quatenus Deus in illius pœnam auxilia subtrahit, quibus homo destitutus in peccata alia voluntarie labitur. Hinc in pœnam superbiæ gentiles tradidit Deus in desideria cordis eorum in immunditiam<sup>3</sup>.

750. Q. 2. Quinam sunt effectus peccati venialis?

R. Sex maxime numerantur effectus venialis peccati, nempe veniale:

1. *Deum offendit*; quo sensu veniale est aliquid pejus omnibus mundi malis collectim sumptis, ipsa etiam morte, ipso etiam inferno, prout infernus est mera pœna. Nam hæc omnia sunt mala creaturæ; peccatum vero veniale malum Dei est, quatenus ipsum offendit, etsi tamen ejus gratiam non extinguat.

2. *Minuit animæ pulchritudinem*; sit quidem levis nebula, at quælibet nebula aliquantisper lucem impedit.

3. *Minuit timorem Dei* ex una parte, ex altera auget animi teporem: homo enim juxta viam quam semel elegit, facile progreditur.

4. *Impedit gratias speciales*, nosque reddit indignos peculiari illo Dei affectu, quo ipse prosequi solet justos in amore suo ferventes juxta illud: *In qua mensura mensi fueritis, remetietur vobis*<sup>4</sup>.

<sup>1</sup> L. XXI, De Civ. Dei, c. xxiii. — <sup>2</sup> L. IV Mor., c. xix.

<sup>3</sup> Rom. i. — V. Billuart, Dens, Knoll, etc.

<sup>4</sup> Matth. vii. V. Segneri, Il Cristiano istruito, p. 2, Rag. xxii. — Belleccio, Exercitia spiritualia; etc. De Peccato veniali.

5. *Inducit reatum pœnæ* (per se temporalis) subeundæ in hac vel in altera vita : æquitas sane postulat, ut quilibet reus puniatur. Diximus *per se temporalis*; sentit enim Angelicus, quod licet veniale, cum a Deo non separet, non mereatur pœnam æternam; poterit tamen per accidens, sive ratione irremissibilitatis in æternum puniri, si reperiatur in damnatis non remissum quoad culpam<sup>1</sup>.

6. *Disponit ad mortale*, præsertim si ex habitu committatur in eadem materia. Scriptum est enim : *Qui spernit modica, paulatim decidet*<sup>2</sup>. *A minimis incipiunt qui ad maxima prorumpunt*<sup>3</sup>. Igitur periculose nimis negliguntur venialia, maxime ab iis, qui ad majorem tenentur perfectionem, uti sunt Religiosi, Sacerdotes, et adulescentes ministerio Ecclesiastico proludentes. — Hinc versus :

*Offendit Dominum; decus imminuitque timorem;  
Subtrahit auxilia; ad pœnam et mortalia ducit.*

## ADNOTATIONES

### AD TRACTATUM QUARTUM

(A) Page 579.

751. Quæstio de peccato originali pertinet ad ipsa Religionis principia; cum, dicente Augustino, in hoc *proprie fides Christiana consistat, et hoc qui negat, ipsa Christianæ Fidei subvertere fundamenta conatur* (l. I, contra Julian., c. II; et l. II de pecc. orig., c. XXIV). — V. Perrone, qui in suis *Prælect.*, ubi de homine de more et argumentorum soliditate et eruditionis copia rem totam exolvit. It. Billuart, Alasia, Frassen, De Rubeis, Knoll, etc.

<sup>1</sup> In 4, d. 22, q. 1, a. 1, ad 5. Diximus : *Quoad culpam*; si enim remissum non sit quoad pœnam, hæc bene in inferno expiatur. *Nec propter hoc sequitur, quod sit in inferno redemptio, quia pœna quæ solvitur, non redimitur*; nempe est solutio, non condonatio. Idem Angelicus.

<sup>2</sup> Eccli. XIX. — <sup>3</sup> S. Gregorius M.

Ab Adamo solo fuit transmissum hoc peccatum : *Per unum hominem peccatum in hunc mundum intravit* (Rom. v). Et definiuit Trident. sess. v, c. II. Unde illud : *A muliere initium factum est peccati*, intellige occasionaliter, quia mulier induxit virum ad peccandum. Et præceptum datum Evæ de non comedendo ipsam spectabat tantum ut personam particularem, non ut caput morale generis humani. Qua pariter ratione communiter docent, quod si, non peccante Adamo, aliquis ex ejus posteris, puta Cain, peccasset, posteri Caini non contraxissent peccatum originale; quia solus Adam erat constitutus caput morale omnium. Imo probabilius est, quod si ipse Adam solum post natum filium peccasset, iste filius cum suis posteris peccatum originis non contraxisset; quia illi tantum illud contrahunt, qui ab Adamo peccatore seminaliter propagantur; at in hypothesi, quando Adam peccavit, dictus filius jam erat generatus. Vid. *Billuart*.

« On a demandé souvent pourquoi Dieu envoyait une âme pure dans un corps souillé par le péché. Pourquoi? Messieurs, vous venez de le voir. Ce n'est pas Dieu qui envoie les âmes, c'est vous qui les évoquez. C'est vous, hommes doués d'une vie transmissible, investis du droit auguste de la paternité, c'est vous qui, sur l'ordre de votre chair, appelez les esprits à vous et les forcez de recevoir avec votre image la honte ou la gloire d'être votre postérité. Si cette puissance vous eût été retirée, c'eût été l'arrêt de mort du genre humain. Dieu, qui voulait sauver l'humanité, vous a laissé la vie dans sa plénitude, il a maintenu la loi de la transmission héréditaire, sans laquelle, demeurés au néant, vous n'interpelleriez pas sa justice et sa sagesse; et, accomplissant de sa part tout ce qu'il avait promis, il permit à votre misère de souiller les âmes qu'il créa pour vous, et à votre ingratitude de le blasphémer pour le mal dont vous êtes les auteurs. » Lacordaire, Conf. 65.

Audiat Roselly, *De la mort avant l'homme*, c. IV, § 1, quoad originis peccatum : « Compulsez les annales des peuples; au frontispice de chaque histoire s'aperçoit une tache mystérieuse, sujet de tristesse et de perplexités... Les parties civilisées de l'univers, habitants de l'ancien monde et des continents nouveaux, insulaires et montagnards, ont conservé l'empreinte de l'événement mystérieux qui changea la condition humaine. Les Hindous, les Chinois, les Perses, les Scandinaves, les Tartares, les Thibétains, les Égyptiens, les Grecs, les Romains, les Gaulois, les Mexicains, les Iroquois, la plupart des tribus de l'Amérique et des hordes africaines, nous montrent également, pour cause du châtement de l'homme, — sa désobéissance, inspirée par l'orgueil, à la suggestion d'un être malfaisant. »

Idem Auctor in libro : *le Christ devant le siècle*, c. IX, habet ad